



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七四六

閣學公集十七卷（公牘十卷書札四卷書札錄遺一卷文稿拾遺一卷

詩稿拾遺一卷）首一卷 袁保齡 撰

一

居易初集三卷 經元善 撰

四三一

穆清堂詩鈔三卷 朱庭珍 撰

五五三

穆清堂詩鈔續集五卷 朱庭珍 撰

六四一

閣學公集

宣統辛亥夏
清芬閣編刊

閣學公集卷首目錄

諭賜祭文

直督請卹片

京官請宣付史館呈

國史列傳

行狀

閣學公集卷首目錄

諭賜祭文

鞠躬盡瘁臣子之芳蹤卹報勤國家之盛典爾原任直隸候補道袁保齡行性純良才能稱職方冀遐齡忽聞長逝朕用悼焉特頒祭葬以慰幽魂嗚呼寵錫重壚庶沐匪躬之報名垂信史聿昭不朽之榮爾如有知尙克歆饗

關學公集

卷首 諭賜祭文

天津華新印刷局代印

直督李公鴻章請卹片

再二品頂戴直隸候補道袁保齡河南項城縣舉人幼承其父袁甲三其兄袁保恆之訓勵志勤學旋在軍中襄事諳習戎機歷任內閣中書侍讀熟悉掌故博通經濟光緒七年_臣以北洋佐理需才奏調來津委辦海防營務八年朝鮮內亂派師往援該員贊畫軍謀動中肯綮是年卽派赴奉天旅順口辦理工防該口爲渤海咽喉北洋水師屯駐之所必須挖濬淺灘展寬口門創建船塢添造庫廠儲備糧餉軍火分築礮臺控制洋面百事創始極形艱難該員力任煩勞迭與提督宋慶丁汝昌臬司周馥道員劉含芳等察看妥籌次第興作其築攔潮壩一役於

關學公集

卷首 直督奏片

二

天津華新印刷局代印

冰雪風霧中晝夜搶修始獲平穩九年法粵開釁海防戒嚴旅順口僅成黃金山礮臺一座該員跋山涉海勘地督工不數月而東西兩岸大小七臺屹然並峙聲勢稍壯敵艦竟未敢北窺十年冬又值朝鮮之變其時電報未通津沽封凍消息間阻凡駐朝淮軍餉械及派往水師各船賴該員籌助接濟俾得迅赴事機十二年間醇親王親臨閱視曾以旅防布置合宜該員等尤爲得力奏奉

懿旨從優議敘在案惟該口遠處海濱瘴溼甚重寒苦異常該員經營數年遂成脾瀉中風等證茲於本年七月二十日病故身後蕭條實堪憫惜據宋慶等呈請奏卹前來_臣查袁保齡世

受

國恩竭忠圖報學問具有根柢識力亦甚堅卓洵足幹濟時艱不期積勞過久受病過深年未五旬齋志以歿旅順口工程防務該員出力爲多其功實未可混合無仰懇

天恩敕部將二品頂戴候補道袁保齡照軍營立功後積勞病故例從優議卹爲以死勤事者勸理合附片陳請伏乞

聖鑒訓示謹

奏

閣學公集

卷首

直督奏片

三

天津華新印刷局代印

吏部右丞孫紹陽等陳請宣付史館呈

呈爲已故道員勳勤卓著遺愛在人合詞懇請據情代奏仰祈天恩宣付史館事竊維以死勤事本臣子之丹衷旌德報功實熙朝之曠典

國家優遇勳勞有加無已事隔多年且有

恩旨敕錄勳蓋子孫之典凡在朝野疇不同聲感戴矢據忠純期以仰報

高厚茲查有已故直隸補用道袁保齡係原任漕運總督袁甲三之次子原任刑部左侍郎袁保恆之胞弟幼秉家學忠誠英毅當袁甲三之視師淮上也該故員從佐戎幕贊畫左右效力

閣學公集

卷首

京官公呈

四

天津華新印刷局代印

爲多袁甲三以爲親子未嘗奏報同治二年蒙城餉竭逆匪上犯歸陳袁甲三時以病在籍奉

旨督辦團防該故員則周歷皖豫各團寨以忠義激勵團民務使力與賊戰以衛身家蓋皖北一帶本捻匪老巢平日姻婭鄰里動多牽連經袁保齡勸諭後民匪久闕已成不解之仇官兵乘之始得收廓清之效至今皖豫父老猶能言及該故員往事者嗣以袁甲三病故蒙

恩賞內閣中書海擢道員經原任直隸總督大學士李鴻章奏調直隸派辦海防營務其原奏云袁保齡曾隨其父袁甲三軍中襄事諳習戎機博通經濟才具勤敏誠重之也該故員亦以

世受

國恩益奮發有爲經營海防保護朝鮮無役不從當法越構疊沿海戒嚴旅順口僅成黃金山礮臺一座該故員跋山涉海勘地督工不數月而東西兩岸大小七臺屹然並峙聲勢頓壯敵艦未敢北窺光緒十二年醇賢親王親臨閱視深以旅防布置合宜該員等尤爲出力奏奉

懿旨優敘是其才略幹濟久在

列朝洞鑒之中卒以染受海濱瘴淫年未五旬歿於王事經李鴻章奏陳該故員積年勞勩奉

旨照軍營立功後積勞病故例從優賜卹

閣學公集 卷首 京官公呈

五

天津華新印刷局代印

朝廷推念勞臣實已至深極渥惟等不能已於言者該故員忠孝性成鄉黨推重當光緒三年河南大饑之時其已故兄刑部左侍郎袁保恆奉

命辦賑盡瘁以歿該故員激於公義盡括家財益以借貸遠近聞風爭相伙助大河南北所全活者奚啻數百萬人當時河南撫臣涂宗瀛奏疏具在無俟等瀆陳也今袁保恆早蒙

恩予諡立傳建祠獨袁保齡以病故在北洋未獲附載不免闕如綜其生平禦災捍患匪第功在桑梓而維持大局保障勦勞尤有不可沒者伏查從前吉林補用道李金鏞以籌辦漠河金鑛積勞病故新疆喀什喀爾道袁堯齡以從征西北著有勞績

均先後蒙

恩優卹並將生平事蹟宣付史館立傳今袁保齡事同一律未便壅於上聞等語同里閭目見鄉黨父老追懷遺徽歷久不忘謹取具印結呈祈據情代奏仰懇

天恩宣付史館附列袁甲三傳後以資觀感出自逾格鴻慈用特合詞陳請伏乞

聖鑒訓示謹呈

閣學公集 卷首 京官公呈

六

天津華新印刷局代印

國史列傳

袁保齡甲三次子同治元年舉人兄保恆自有傳咸豐間甲三視師淮上保恆暨其從兄保慶皆從征役保齡奉大母郭母陳里居尋甲三積勞成疾保齡太息流涕曰吾父力疾督軍諸兄頻年戎馬吾不能執干戈衛社稷非丈夫也所不忍離者重慈奉養耳祖母及母嘉其志命之軍時兵餉奇窘躬歷各營拊循衆志固結雖飢困中踴躍用命同治二年蒙城餉竭苗沛霖踞懷蒙窺陳宋甲三已乞病歸復被

命督辦團防保齡周歷各團撫其反側各圩曉以利害使苗逆不得合從內犯張總愚率大股再犯陳州復會合兵團分籌堵

閣學公集 卷首 國史列傳

七

天津華新印書局代印

禦危城獨完羣捻紛竄孤其黨羽官兵乘之皖豫肅清甲三以己子不列奏報曾國藩一見目爲國士尋甲三卒蒙

恩賞內閣中書五年補缺十年記名內用十一年恭校剿平粵匪方略剿平捻匪方略告成保侍讀遇缺奏補光緒三年恭纂穆宗毅皇帝實錄全書過半

賞花翎並換四品頂戴恭纂

玉牒告成奏獎俟補侍讀缺後以知府在任卽選並交部議敘四年以兄保恆奉

命籌辦豫賑盡瘁以卒因念直晉陝豫游飢不速拯流亡伏莽一煽蔓延大局匪第爲桑梓患時方補侍讀慨然以兄志未竟

豫民未活呈請開缺歸里辦賑盡出家財益以稱貸遠近聞風傾助大河南北全活無算舉凡賑災善後興水利置農具靖奸宄無不力陳撫臣次第施行豫撫涂宗瀛以捐助豫賑不敢邀獎奏聞稱保齡念累朝蒙養之恩遵父兄勇於爲善之教倡率鄉人勉圖博濟毀家紓難出於至誠

詔敕部照各省賑例給獎遂以道員不論雙單月卽選加三品銜五年

實錄全書慶成

賞二品頂戴保齡歷官內閣中書侍讀十有三年於天下要政博攷遠覽熟悉掌故七年直隸總督李鴻章以其襄侍甲三軍

閣學公集 卷首 國史列傳

八

天津華新印書局代印

中襄事諳習戎機博通經濟才具勤敏疏調辦理北洋海防營務諸差時淮練各軍集於津沽保齡勤加蒐討遇有兵民交訟之案悉右民抑兵以保良懦八八朝鮮亂黨內訌毀日本使館日兵輪駛仁川口日使臣以兵入漢城保齡奉檄援護慶軍統領吳長慶方率六營東渡保齡建議韓王孱弱宜大舉戡亂選得力軍數道並出清理案犯更訂條約遣忠正廉誠胸有古今者統勁旅長駐彼都扶起孱王實行監察效衛文治衛力策富強與遼東三省左提右挈實東方一大屏障若敷衍了局韓其不肝食矣力請調宋慶所統毅軍爲後盾吳宋皆甲三舊部曾同袍澤願以軍旅自任直隸總督韙其言日人知我有備遽與

韓議和時我國方擴張海軍當事謂宜持重議遂中寢韓亂既定直隸總督疏請以道員留直隸補用乃益銳請整頓軍實是年冬赴奉天旅順口督海防工兼辦水陸軍防務先是奉檄履勘沿海通籌形勢無以易旅順者跨金州半島突出大洋水深不凍山列屏障口門五十餘丈口內兩澳四山圍拱形勝天然誠海軍之要區也於此濬淺灘展口門創建船塢分築礮臺廣造庫廠設外防於大連灣屯堅壁於南關嶺與威海各島遙爲聲援遠馭朝鮮近蔽遼瀋實足握東亞海權匪第北洋要塞也至是規畫建築九年李鴻章奏飭駐工督率稱北洋防務以旅順最爲繁鉅西國遇此天險可爲水師窟穴必以全力注之北

閣學公集

卷首 國史列傳

九

天津華新印刷局代印

洋歲收經費有限祇可就現在財力逐段竭蹶經營開山濬海工大費鉅購料運器於西洋派員僱夫於直省與內地工程迥異初旅順於七年間試辦築壩濬澳久無成功灘地沮洳海潮怒撼百計不足捍禦保齡受任迭與提督宋慶丁汝昌臬司周馥道員劉含芳等察勘妥籌次第興作其築攔潮壩一役於冰雪風霧中督工役植立壩上四十日仿栗毓美石壩純用塊石護之始獲堅穩時荒島初闢海聲礮礮內地賓僚率相視裹足保齡晝督工作夜草文書恆以一身兼數任其勞苦非常人所能耐法越構釁法人聲言北犯旅順口僅成黃金山礮臺一座保齡跋山涉海測地鳩工不數月而東西兩岸七臺成又設備

戰土臺無數分置克虜伯大礮添置防營環營數十丈植梅花椿阱沿岸伏旱雷海口伏水雷以防敵兵暗襲其時津沽陸路二千里未設電綫急請興建聯絡防軍節節布置聲勢俱壯法艦遂未敢北窺其規畫旅防戰守也則以嚴防後路爲要義任守者自西南之饒頭山訖東南之嶗嶗嘴分段布置敵船逼近洋面環攻各臺則守臺者當之任戰者專顧後路與礮力不能及之零星口岸大隊遊擊隨宜策應倘各臺堅守而寇來襲我則任戰者當之其通籌金州旅順大局也則以客軍久戍非長策添練土兵爲要義以遼人守遼土以遼土養遼人嘗就海口隙地種桑柘教民紡織設學堂導民忠義屢陳富道思起長白

閣學公集

卷首 國史列傳

十

天津華新印刷局代印

寶廷駐金州部勒金復五城旗兵寬籌教養而以宋慶專司簡練以開遼民敢戰之風聯奉直之疆防合兵民爲一體尤於議懲庸將不稍貸請申軍律如臨陣潰逃或畏葸不前宜照前明傳首九邊例於正法後傳示南北洋以昭炯戒十年夏李鴻章會同吳大澂張之洞等出洋巡閱以旅順新築礮臺營壘堅緻曲折頗據形勝操演水雷旱雷均漸熟習設海上有事牽制敵船冀可憑險固守合疏奏

聞稱保齡督飭之力會

朝議立海防衙門大治水師李鴻章飭保齡密議乃建六策一曰重事權謂宜設海防大臣一人凡七省防軍制兵在海口二

百里者司道都統提督以下歸節制黜陟用舍均以海防大臣爲衡關道任兼海防宜照糧道屬漕督例以海防大臣爲專轄一日定經制由部頒關防制同六部設參贊一視四五品卿大臣駐北洋參贊駐南洋或暫置翼長二員一駐渤海一駐南洋別設南洋水師統領一凡歲時查閱防營得失師船勤惰制器良楮皆爲參贊若翼長職之又設四司曰軍政曰船政曰度支曰考藝每司設官由中外大臣遴薦一日建軍府應以旅順爲建牙爲師船歸宿以威海備巡閱一日簡船械宜將機器製造統一整頓中分兩大端曰製造宜分寄責任槍礮宜規定畫一一日籌用費減額兵汰江海舊防一日儲人才宜設水師小學

閣學公集

卷首 國史列傳

十一

天津華新印書局代印

大學練船別設科目優予出身洋洋萬餘言而終之以無競維人且謂人才不出縱使船堅礮利其孰與奏折衝之效慨乎言之逮甲午之役日人逆慮攻旅順不能破適銘豫各軍分顧遼瀋後路空虛遂得乘虛襲擊坐失天塹論者惜之是年十一月韓亂黨附日本者乘沽口封凍駐韓防軍皆屬北洋電綫未通意欲斷其接應謀爲不軌韓逆首金玉均等戕害大臣迫脅國王僞請日兵入衛舉國震動保齡從子世凱駐兵朝鮮迎護韓王馳報保齡急電北洋由旅順分籌接應立集水陸軍轟冰渡洋駐馬山口以厚兵力密稟力陳法氛圖南警報方惡宜款法以紓兵力調南北洋各艦合力救韓規定久計赦李是應以堅

韓民內嚮韓政刑失當中國力盡保藩之義須越俎代謀若虛與委蛇終爲越續語極切摯李鴻章據以入告

朝命吳大澂續昌馳往查辦亂黨由北洋設備接濟日使井上馨後我軍三日始至懾於聲勢復與韓定約實保齡在旅順籌濟策應之力日本鑒於壬午甲申中國防軍兩次赴機迅速詭議互相撤兵遂有天津之約朝鮮君臣亦堅請赦是應旋即釋歸而外侮內患逆黨紛持無兵力以鎮之卒未能悉如保齡初議保齡以韓勢日危乃請於邊門置重防西連旅順東接琿春舉張曜督治之遙顧朝鮮庶金旅防軍首尾相應請添漢城至邊門電綫通軍報資控制李鴻章皆用其策陳奏施行尋李鴻

閣學公集

卷首 國史列傳

十二

天津華新印書局代印

章奏派保齡從子世凱駐朝鮮總理交涉通商事務因言自古交鄰視乎強弱兵事與使事相維持未可專恃筆舌日俄爭先圖韓英德實陰忌之宜聯與國以拒敵厚邊備以圖戰北洋兵輪時巡仁川大同各口弭患無形韓王被閔妃黨蠱惑媚外甚力非速清君側實行改革莫挽危局李鴻章以爲然卒以牽於時勢未行也十二年醇親王親閱旅順深以海防布置合宜袁保齡尤爲得力奏

聞下部優敘十五年七月病卒於旅順防次李鴻章奏陳其經營旅防保護朝鮮以死勤事請照軍營積勞病故例優卹詔從之賜祭葬

贈內閣學士廕一子如例宣統三年河南京官吏部右丞孫紹陽等以保齡勳勤卓著遺愛在人略謂光緒間豫省奇荒禦災捍患厥功尤偉呈請將其生平事蹟宣付史館附列袁甲三傳後得

旨俞允子世承廕生山東候補直隸州知州世顯江蘇候補同知世歆附貢生分省通判世同廩貢生湖北候補知府世傳附貢生二品頂戴候補四品京堂世威候選布政司經歷

閣學

公集

卷首

國史列傳

十三

天津華新印刷局代印

行狀

公姓袁氏諱保齡字子久一字陸龜世籍河南項城縣人先世皆以儒名公考諱甲三諡端敏以道光乙未進士官御史臺有聲累遷至

欽差大臣漕運總督子二長爲道光庚戌進士翰林院編修刑部左侍郎諱保恆諡文誠公其次也性沈毅幼負大志生十歲通十三經能爲經史論十四入邑庠受知於高陽李文正公十五食廩餼弱冠舉同治壬戌孝廉咸豐中葉端敏公視師淮上文誠公暨從兄篤臣公皆從征役公奉大母郭太夫人母陳太夫人里居尋端敏公剿匪積勞成疾公太息流涕曰吾父力疾

閣學

公集

卷首

行狀

十四

天津華新印刷局代印

督軍諸兄頻年戎馬吾不能執干戈衛社稷非丈夫也所不忍離者重慈奉養耳兩太夫人嘉其志命之軍時兵餉奇窘公以戚氏法教戰士能以少勝衆每戰歸躬歷各營拊循衆志固結雖飢困中踴躍用命同治二年蒙城餉竭苗沛霖踞懷蒙窺陳宋端敏公已歸養疴復被

命督辦團防公周歷各團撫其反側各圩曉以利害使苗逆不得合從內犯張總愚率大股再犯陳州公復會合兵團分籌堵禦危城獨完羣捻紛竄孤其黨羽官兵乘之皖豫肅清湘鄉曾文正公一見目爲國士厥後移節畿輔再督兩江每就公徵引人才討論時政悉載之筆記其見重若此端敏公薨公蒙

恩賞內閣中書同治五年到閣十月補缺十年記名內用十一年恭校

欽訂剿平粵匪方略剿平捻匪方略告成保侍讀遇缺奏補光緒三年恭纂

穆宗毅皇帝實錄全書過半蒙

賞花翎並換四品頂戴十二月恭纂

玉牒慶成館臣以任事實心始終如一請優獎

詔俟補侍讀缺後以知府在任即選並交部議敘部臣以例章聲請

諭仍遵前旨給獎異數也四年文誠公以奉

閣學公集

卷首行狀

十五

天津華新印書局代印

命籌辦豫賑盡瘁公念圻疆多故直晉陝豫游飢不速拯流亡伏莽一煽蔓延大局匪第桑梓患時補侍讀缺甫旬餘日且係特旨即選知府慨然以兄志未竟豫民未活呈請辭官歸里力肩賑務營兄喪遂開底缺停選謁十數年積深資勞弗之顧也盡括家資益以稱貸遠近聞風爭相傾助大河南北全活無算舉凡賑災善後興水利置農具靖奸宄無不力陳大府次第施行賑事既竣實錄館臣以在館數年深資得力請留館

聞

上依議豫撫涂公宗瀛以捐助豫賑不敢邀獎奏

詔敕部照各省賑捐請獎豫撫原奏云該員念累朝蒙養之恩

遵父兄勇於爲善之教倡率鄉人勉圖博濟毀家紓難出於至誠蓋紀實也尋戶部請以道員不論雙單月即選加三品銜五年

實錄全書慶成

賞二品頂戴公每念世受

國恩竭忠圖報官內閣於天下要政博考遠覽稽掌故司票擬十有三年七年合肥傅相李公以北洋海防交涉求賢佐理特疏薦舉稱公曩侍其父漕督某軍中襄事諳習戎機博通經濟才具勤敏請調赴直隸奉

旨發往遂委辦海防營務准練軍騰集津沽公勤校閱嚴蒐討

閣學公集

卷首行狀

十六

天津華新印書局代印

時於昏夜中親自抽查盜靖民安地方賴之遇兵民交訟案躬提訊之右民抑兵以保良儒會李公以憂去北洋合肥張靖達公樹聲權督篆知公清正遇要工鉅款悉諮公委查人憚其嚴八年朝鮮亂黨內訌毀日本使館日兵輪駛仁川口日使臣以兵入漢城意叵測公奉檄援護時慶軍統領吳公長慶率六營東渡公建議韓王孱弱宜大舉戡亂選得力軍數道並出清理案犯更定條約皆爲我任遣忠正廉誠胸有今古者統勁旅長駐彼都扶起孱王實行監察效衛文治衛力策富強與遼東三省左提右挈實東方一大屏障若敷衍了局韓其不肝食矣力請調宋公慶所統毅軍爲後盾吳宋皆端敏舊部公會共袍澤

願以軍旅自任張公韙其言日人知我有備遽與朝議和當事者方圖擴張軍艦宜持重以待議遂中寢韓亂既定張公李公合請以道員留直補用公益銳請整頓軍實是年冬赴奉天旅順口督海防工兼總辦水陸軍防務先是公奉檄履勘沿海通籌形勢無以易旅順者跨金州半島突出大洋水深不凍山列障屏口門五十餘丈口內兩澳四山圍拱形勝天然誠海軍之奧區也於此濬淺灘展口門創建船塢分築礮臺廣造庫廠設外防於大連灣屯堅壘於南關嶺與威海衛各島遙爲聲援遠馭朝鮮近蔽遼瀋實足握東亞海權匪第北洋要塞也公屹屹版築依次敷施旅順一隅實繫海防全局九年李公奏報飭公

閣學公集

卷首 行狀

十七

天津華新印刷局代印

駐工督率稱北洋防務以旅順最爲繁鉅西國遇此天險可爲水師窟穴必以全力注之北洋歲收經費有限祇可就現有財力逐段竭蹶經營開山濬海工大費鉅購料運器於西洋派員僱夫於直省與內地工程迥異是其創造艱難匪維開中國前此所未有而後之工防動以鋪張揚厲視公所處又難易霄壤矣初旅工於七年試辦築壩濬澳久無成功灘地沮洳海潮怒撼百不足禦至公受任適澳壩危迫之際嚴寒冰雪督工役植立壩頭閱四旬不稍倦仿栗恭勤石壩純用塊石護之壩乃屹立時中國初用洋匠驕恣難制內地僱用土工聚散無常荒山大海無市廛村落賓僚相率裹足公畫督工役夜草文檄恆身

兼數任勤苦自矢清絕點塵至禮賢恤下如恐不及卒之衆感其誠悉樂就焉當法越之構釁也法人聲言北犯旅順口僅成黃金山礮臺一座公跋山涉海勘地督工不數月而東西兩岸七臺屹然並峙設備戰土臺無數臺仿西式內砌條石外築厚土使礮子陷入難炸分設克虜卜大礮添置防營精求練習環營數十丈悉植梅花椿阱沿岸伏旱雷海口伏水雷以防敵兵暗襲訓練雷兵出入巡徼縱橫綽貫密若蛛絲其時津沽旅順陸路二千里均未設電綫急請興建聯絡防軍節節布置聲勢俱壯法艦遂未敢北窺其規畫旅防戰守也則以嚴防後路爲要義任守局者自西南之饒頭山訖東南之嶗嶠嘴各分地段

閣學公集

卷首 行狀

十八

天津華新印刷局代印

專精造礮敵船逼近洋面環攻各臺則守臺者當之任戰局者專顧後路與礮力不能及之零星口岸大隊遊擊隨宜策應倘各臺堅守而寇來襲我則任戰者當之其通籌金旅大局也則以客軍久戍非長策以添練土兵爲要義以遼人守遼土以遼土養遼人營就海口隙地種桑柘教民紡織設學堂導民忠義屢陳當道思起長白寶公廷駐金州部勒金復五城旗兵寬籌教養而以宋公慶專司簡練以開遼民敢戰之風聯奉直之疆防合兵民爲一體可戰可守計無便此尤於議懲庸將不少貸請申軍律如臨陣潰逃或畏葸不前宜照前明傳首九邊例於正法後傳示南北洋以昭炯戒十年夏李公會同吳公大澂張

公之洞等出洋巡閱以旅順新築礮臺營壘堅緻曲折頗據形勝操演水雷旱雷均漸熟習設海上有事牽制敵船冀可憑險固守合疏報

聞稱公督飭力也會

朝議立海防衙門大治水師李公飭公密議乃建六策一曰重事權謂宜設海防大臣一人凡七省防軍制兵在海口二百里者司道都統提督以下歸節制黜陟用舍均以海防大臣爲衡關道任兼海防宜照糧道屬漕督例以海防大臣爲專轄一曰定經制由部頒關防制同六部設參贊一視四五品卿大臣駐北洋參贊駐南洋或暫置翼長二員一駐渤海一駐南洋別設

閣學公集 卷首 行狀

十九

天津華新印書局代印

南洋水師統領一凡歲時查閱防營得失師船勤惰製器良楮皆惟參贊若翼長職之又設四司曰軍政曰船政曰度支曰考藝每司設官由中外大臣遴薦一曰建軍府應以旅順爲建牙師船歸宿以威海備巡閱一曰簡船械宜將機器製造統一整頓中分兩大端曰製造宜分寄責任槍礮宜規定畫一一曰籌用費減額兵汰江海舊防一曰儲人才宜設水師小學大學練船別設科目優予出身洋洋萬餘言而終之以無競維人且謂人才不出縱使船堅礮利其孰與奏折衝之效亦慨乎言之也甲午之役日人逆慮攻旅順不能破適銘豫各軍分顧遼瀋後路空虛遂得乘虛襲擊坐失天塹論者惜之十年十一月韓亂

黨附日乘沽口封凍駐韓防軍皆屬北洋朝鮮未通電綫意欲斷其接應謀爲不軌韓逆首金玉均等戕害大臣迫脅國王僞請日兵入衛舉國震動危如累卵公從子今慰廷宮太保典兵朝鮮迎護韓王擊破重圍星馳報公公急電北洋由旅順分籌接應立集水陸轟冰渡洋駐馬山口以厚兵力密稟力陳法氣圖南警報方惡宜款法以紓兵力調南北洋各艦合力救朝規定久計赦李是應以堅韓民內嚮韓政刑失當中國力盡保藩之義須越俎代謀虛與委蛇終爲越續語極切摯李公據以進呈

命吳公大澂續公昌馳往查辦亂黨由北洋設備接濟日使井

閣學公集 卷首 行狀

二十

天津華新印書局代印

上馨後我軍三日始至攝於聲勢復與韓定約吳公復奏言朝鮮臣民僉謂此次議約得以速了彼實不料北洋封凍以後中國官兵先到三日隱制狡謀李公亦奏言先已電旅順飭道員某飛調現駐金州管帶正營參將方正祥乘輪前往水陸相依爲緩急進兵之路是籌濟之速實公在旅順爲之鎮也日本鑒於壬午甲申中國防軍兩次赴機迅速詭譎互相撤兵遂有天津之約朝鮮君臣亦堅請赦是應旋釋歸而外侮內患逆黨紛持無兵力以鎮之卒未能悉如公議公逆慮韓勢日危乃請於邊門鳳凰置重防西連旅順東接瑯春以張公曜治之遙顧朝鮮庶金旅防軍如常山蛇首尾相應請添漢城至邊門電綫通

軍報資控制李公皆用公策陳奏會張公以查山東河工事
詔以提督雷正綰統兵駐東邊電綫亦施行尋李公奏派專員
駐朝鮮總理交涉通商事卽慰廷宮太保方以同知蒙
特恩超擢道員也公力陳千古交隣視乎強弱兵事與使事相
維持未可專恃筆舌日俄爭先圖韓英德實陰忌之宜聯與國
以拒敵厚邊備以圖戰北洋兵輪時巡仁川大同各口弭患無
形韓王被閔妃黨蠱惑媚外甚力非速清君側實行改革莫挽
危局李公然之牽於時勢卒未果行十二年醇親賢王臨旅順
閱視深以海防布置合宜爲得力復
命入告

閣學公集

卷首 行狀

二十一

天津華新印書局代印

詔下部優敘是年秋韓密約俄求保護我國偵知之發其謀事
未協逆黨洶懼將謀鋌險公密籌布置指示機宜逆謀喪阻人
心大定會以海防積勞致疾再三乞退不果又以旅防列戍無
大員統馭請簡三品京堂專辦又不獲李公慰留至再船塢工
巨久恐糜費議歸洋員包修公磋商訂合同節帑數十萬既定議
方衙參白事而疾作猝患中風暈絕復蘇陳去益堅李公重以
公久任要防乃委代者督工仍以公任防務力疾籌防日益增
劇病中曾有句云丈夫未死龍泉在他日終當斬郅支忠誠之
志雖困不衰十五年七月歿於防次李公奏陳公經營旅防保
護朝鮮以死勤事請照軍營積勞病故例優卹

詔從之賜祭葬

贈內閣學士廕一子如例宣統三年河南南京官吏部右丞孫紹
陽等以公勤勤卓著遺愛在人稱公同治年間侍父治戎保障
桑梓光緒三年豫省奇荒禦災捍患厥功尤偉呈由都察院代
奏得

旨將生平事蹟宣付史館附列袁甲三傳後公勤學力行識量
宏毅自弱冠從戎志存君國忠孝發乎天性及官京師師事倭
文端公李文清公研究性理之學時洋務方爲世詬病公嘗慨
謂時局至今日竟若洋務必不須用正人正人必不解洋務事
無大小未有舍君子用小人而能濟者安得集天下純儒志士

閣學公集

卷首 行狀

二十一

天津華新印書局代印

勉以共勵洋務論處外人以忠信篤敬爲主論練洋操以有勇
知方爲主曾躬行於水雷學堂延正士編格言教之以倡風會
嘗引曾文正救世變者莫大乎忠誠一語以自勸前辦旅工某
虧巨帑乃貸千金償之後其人負公亦弗與較吳侍御可讀以
屍諫疏成嗚呼莫敢發公力集同志以身任之事得
上聞經紀其喪恤其後人公內行純篤兄喪毀以終身諸父早
世待羣從諸姪如同胞招至京督課婚喪養育必備必周創辦
京師敬節恤孤事手訂章程爲各省冠官閣讀時某省以修志
補旌百餘人禮部聲明請
旨公謂事關風教顧依違兩可耶遂進依議籤其遇事隱維風

化類此貞幹聞之吾鄉閩縣陳公寶琛光緒初元官京朝一時名流輩出抗論天下事均與公以氣節相推重今僅存者惟一陳公而時局艱危且數過之不能無世變之感焉昨歲至京公子世傳以道員任差郵部時相過從述公行事囑爲詮次得縱觀公籌防函牘益歎公忠貞世篤生際時艱自北洋設海防處財政困難之會旅順實開其先一窮荒極島公茹荼如飴竭八年心力屹爲重鎮策朝鮮聯遼瀋議十數上壬午丙戌之間韓亂數驚法氛四起沿海戒嚴倥偬籌備備歷艱苦終公之任而北洋海防無旦夕之擾讀李公請卹原疏稱公學問具有根柢識力亦極堅卓洵足幹濟時艱不期積勞過久受病過深年未

閣學公集

卷首 行狀

二十三

天津華新印書局代印

五旬齋志以殁旅順口工程防務出力爲多其功實未可沒又言該口瘴溼甚重寒苦異常該員經營數年遂成脾溼中風等症身後蕭條實堪憫惻蓋鑒海防之無人重惜之也嗚呼人才與世運相消長豈偶然哉公享年四十有九授資政大夫晉封光祿大夫配何氏繼配高氏皆封夫人晉封一品太夫人側室劉氏旌表節孝封一品太夫人子七世承廕生山東直隸州世顯江蘇同知世敷附貢生分省通判高出世榮早故世同廩貢生湖北知府世傳附貢生二品頂戴候補四品京堂世威候選布政司經歷均劉出女三皆適望族貞幹謙陋何足以知公謹就書牘撮其大端竊附於尙論之義云謹狀 福建許貞幹撰

閣學公牘

宣統辛亥夏
清芬閣編刊

閣學公牘

卷之一目錄

請派員會辦旅工稟 光緒八年九月十九日

暫借小輪應用並請飭臨趕造稟 光緒八年十月初一日

察看壩套及庫基公所大概情形稟 光緒八年十月初五日

籌辦壩澳引河各情形稟 光緒八年十月十二日

請派提調稟 光緒八年十月十七日

通籌旅防全局工程稟 光緒八年十月十八日

壩工危險擬加築備壩稟 光緒八年十月二十七日

募夫添器各事宜稟 光緒八年十月二十七日

閣學公集 本牘卷一 目錄

天津華新印刷局代印

撥船接遞文報並派員在煙隨事照料稟 光緒八年十一月初八日

海口挖淺接收木料並請設義學興蠶桑稟 光緒八年十一月初八日

搶救壩工及籌備壩澳事宜稟 光緒八年十一月初八日

交盤事宜稟 光緒八年十一月十九日

做壩挖淺情形並請發各物稟 光緒八年十一月二十四日

調留裁撤各委員稟 光緒八年十一月二十四日

黃道在旅衆論稟 光緒八年十一月二十四日

舊壩做壩並續調人員稟 光緒八年十二月十七日

培壩僱夫挖淺各情形稟 光緒八年十二月二十四日

旅工計款集事稟 光緒八年十二月二十七日

請飭招商局派輪運夫稟 光緒九年二月初九日

試礮挖海稟 光緒九年二月十三日

開挖東澳擬辦情形說略 光緒九年三月十四日

魚雷橋埠工程各節稟 光緒九年四月初二日

閣學公集 公牘卷一 目錄

天津華新印刷局代印